

Operationalising and Updating the Strategic Development Plan for Effective Results



Aprezentasaun husi Sosiedade Sivil

Setór Estratéjiku Ekonómiku husi Ines Martins

Timor-Leste & Development Partners Meeting (TLDPM)

Dili Convention Centre, 18-20 Juñu 2013

Ita tenke hasees-an hosi dependénsia petróleu ba dezvoltamentu ne'ebé mak sustentável.

- Timor-Leste nudár nasaun segundu iha mundu mak nia ekonomia depende liu ba esportasaun petróleu no gas.
- GDP 2011, biliaun \$5.8, no 81% mai husi estrasaun petróleu no gas.
- GDP “naun petróleu” maizumenus biliaun \$1.1 de'it.
- Metade GDP “naun-petróleu” mai husi despeza estadu rasik, ne'e besik 94% mai husi rendimentu petróleu.

Dependénsia Importasaun


- Iha 2012, Timor-Leste importa tokon \$670 ba sasán tomak (ekipamentu eletrisidade, kombativel, besi, foos, be'e, simentu...).
- No esporta tokon \$31, maioria husi kafé.
- Importasaun aumenta dala rua kompara ho tinan kotuk.

Presiza halo revizaun ba PEDN.


Objetivu di'ak tanba atu halakon kiak no hadi'ak povu nia moris di'ak liu.

- Despeza estadu nian barak liu ba setór infrastrutura fíziku liu-liu iha Projetu Tasi Mane no Eletrisidade.
- Ita ignora tiha atu dezenvolve ita nia ema: edukasaun, saúde, agrikultura no peska, bee moos, indústria kí'ik no eko-turismu -- setór sira ne'ebé bele hadi'a povu maioria ninia moris.

Timor-Leste nia PID/GDP mai husi saida?




Balansu Komersiu iha Timor-Leste



Governu tenke kontinua hamenus ninia gastu total.

- Governu sei foti biliaun \$0.8 hosi Fundu Petrolíferu tinan ne'e, kompara ne'ebé foti biliaun \$1.5 iha 2012.
- Tinan ne'e bele redús tanba ita foti barak liu duke ita prezisa hosi Fundu Petróleu iha 2012.
- Maske nune'e, gastu Estadu sei nafatin la sustentável.
- Apropriasaun rekorente iha OJE 2013, 21% aas liu kompara ho gastu OJE 2012.


Gastu no Reseita Estadu nian durante ne'e (inklui ajénsia auton.) Ezeekusaun orsamentu 2002-2012. Orsamentu 2013 promulga ona.



Distribuisaun rekursu ekonómiku seidauk justu.

- Ekonomia maior parte husi esporta mina no gas ne'ebé pertense ba povu hotu.
- So grupu ki'ik oan ida husi klase aas mak hetan benefísiu boot.
- 10% ema riku liu hetan rendimentu dala 14 kompara ho ema kiak liu 10%, maski inklui ona agrikultura no barter.
- Metade populasaun nia rendimentu \$1.33/loron de'it.

Timor-oan kiak hetan menus liu duke ema riku.



Despeza Estadu la lori benefísiu ba povu, fokus liu ba setór infrastrutura

- OJE 2013 tokon \$144 ba Projetu Tasi Mane, maski nune'e sei gastu liu biliaun \$10 wainhira atu halo hotu.
- Projetu ne'e gastu barak liu duke atu hetan retornu.
- Sei fornese númeru servisu utoan de'it.
- Subsidiu bot liu sei ba kompañia husi rai li'ur.
- Agrikultór sei lakon rai ba prodús ai-han.
- Dependénsia ba importasaun sai bot liu.
- Pobreza sa'e maka'as wainhira mina hotu ona.

Satan, agora Governu planu atu harii aeroportu, Zona Ekonómiku Esklusivu Oecusse, portu Tibar no ponte rua Comoro. **Se-mak sei hetan benefísiu?**



Despeza ignora atu dezenvolve povu nia moris.

- OJE 2013 aloka ba saúde 4.2% menus metade kompara ho norma global.
- OJE 2013 aloka ba edukasaun 8.4%, nasaun sub-dezenvolidu aloka 20% husi OJE.
- Nasaun sira iha progresu atinje MDG tanba sira nia gastu estadu nian 28% ba edukasaun no saúde.


Oinsá TL nia futuru se labarik sira labele estuda, labarik sira nafatin deficiente tanba falla nutrisaun, no ema mate tanba sistema saúde la di'ak?

Setór Privadu tenke simu responsabilidade ba futuru nasaun nian.

- Setór privadu tenke fó prioridade ba agrikultura, ne'ebé bele hamenus kiak no dezenvolve ekonomia.
- Menus 10% husi forsa laboral, servisu iha empreza privadu inklui kontraktor Governu nian.
- 58,200 ema servisu iha setór privadu, iha ne'ebé 75% mane. 18,000 servisu iha konstrusaun.
- 70% depende ba setór agrikultura no servisu informal.

Oinsá ita nia Governu no Parseiru Dezenvolvimentu bele servisu ho ita nia setór empreza atu dezenvolve ekonomia ekuitavel no sustentável iha Timor-Leste, ho kualidade projetu no kualidade moris, ba tempu naruk?

Oinsá kompañia sira gastu osan sira hetan durante 2011



Graph by La'o Hamutuk based on GDS Business Activities Survey 2011

Kompañia tenke investe barak liu ba sira nia empreza no nasaun.

- Empresariu sira foti maioria barak liu husi lukru ne'ebé sira hetan, no investe oituan liu duke atu haboot sira nia empreza no ekonomia Timor-Leste.
- Kompañia baze iha Dili maski lukru sa'e 44%, husi 2010-2011 investe fali ki'ik, tun duni ba 30%, valor menus 9% husi lukru.
- Empreza distritu investe husi metade lukru, bot liu kompara iha tinan 2010.

Rekomendasaun

- Presiza muda direksaun hodi prioritiza setór servisu sosiál nian ba futuru.
- Parseiru Dezenvolvimentu sira presiza ajuda Governu hodi suporta agrikultór atu prodús ba ami nia merkadu doméstiku hanesan "value added."
- Parseiru Dezenvolvimentu tenke ko'alia onestu ba Governu no desizor polítiku katak presiza investe iha rekursu umanu, jestaun di'ak ba política fiskál no orienta ba dezenvolvimentu ekuitavel no sustentável.

Rekomendasaun kontinua....

- Parseiru dezenvolvimentu presiza tau imi nia prioridade ba programa sira hodi ajuda ami nia povu kiak no vulneravel sira, nafatin fornese ekonomia justu ba sira no sira nia jersaun.
- Governu no parseiru dezenvolvimentu tenke sériu atu investe maka'as iha edukasaun no saúde, atu hadi'ak kualidade servisu. Tanba povu nudár aliserse fundamental nasaun ninia dezenvolvimentu.
- Estadu, setór privadu, parseiru dezenvolvimentu no kada sidadaun tenke konsentra ita nia osan, ita nia rekursu, ita nia tempu no ita nia esforsu atu hadi'ak moris ba kada ema Timor-oan, inklui ita nia oan no bei-oan sira.

Se ita la servisu ho matenek liu no maka'as liu ba hadi'ak futuru nian, se tan?